





# АКАФИСТ



ПРЕПОДОБНОМУ  
СЕРГИЮ  
РАДОНЕЖСКОМУ





## Тропарь, глас 4

Иже добродѣтелей подвижник,/ яко истинный воин  
Христá Бóга,/ на страсти вѣлми подвизáлся еси в жízни  
временнѣй,/ в пѣниих,/ бдѣниих же и пощѣниих образ  
быв твоим учеником:/ тѣмже и вселiся в тя Пресвятýй  
Дух,/ Егóже дѣйствием свѣтло украшен еси:/ но яко имѣя  
дерзновѣние ко Святѣй Трóице,/ поминай стадо, еже собрал  
еси мýдре,/ и не забуди якоже обещáлся еси,/ посещáя чад  
твоих, // Сѣргие преподóбне, óтче наш.

## Кондак, глас 8

Христовою любовью уязвився, преподобне,/ и  
Тому невозвратным желанием последовав,/ всякое  
наслаждение плотское возненавидел еси,/ и, яко солнце,  
Отечеству твоему возсиял еси:/ тем и Христос даром  
чудес обогати тя./ Поминай нас, чтущих пресветлую  
память твою, да зовем ти:// радуйся, Сѣргие Богомудре.



# АКАФИСТ

преподобному Сергию Радонежскому

## Кондак 1

Возбранный от Царя сил, Господа Иисуса, данный России воеводо и чудотворче предивный, преподобне отче Сергие! Прославляюще мы прославльшаго ты славы Господа, благодарственное пение воспеваем ти, ибо молитвами твоими от нашествия иноплеменик и скорбных обстояний нас присно избавляеши, яко имея дерзновение ко Господу, от всяких нас бед свободи, да зовем ти:

**Радуйся, Сергие, скорый помощниче и преславный чудотворче.**

## Икос 1

Ангелов Творец, предуведевый, по самовластному чистаго сердца твоего изволению, всеусердствующее Его воли исполнение, еще во чреве матери трикратным возглашением, показав тебе миру истиннаго служителя быти Святыя Троицы и научи всех вопити тебе сице:

Радуйся, прежде век, яко имаши верный раб Христов быти, предусмотренный; радуйся, во оноже время во блаженное и небесное жилище представленный.

Радуйся, от чрева материя на службу Небеснаго Царя,





яко во́ин, хотя́щий ве́рен Ему́ бы́ти, призва́нный;  
ра́дуйся, яко благода́тию Бо́жиею оправда́нный.

Ра́дуйся, не то́чию Росси́и, но и всей вселе́нной  
просла́вленный; ра́дуйся, трикра́тным тво́им во  
чре́ве возглаше́нием ро́дителей и всех слы́шащих  
удивы́вый.

Ра́дуйся, по ро́ждении сво́ем по́стное ино́ческое жити́е  
показа́вый; ра́дуйся, от сосца́ ма́терня воздержáние  
чу́дное яв́ивый.

Ра́дуйся, яко в сре́ду и пято́к млека́ ника́коже  
вкусы́вый; ра́дуйся, ро́дителей бла́гих до́брых и  
избра́нный пло́д.

Ра́дуйся, ра́дости скорбя́щим и ми́лости с ве́рою у  
тебе́ прося́щим пода́телю; ра́дуйся, печа́лей злых во  
вся́ких приключе́ниях отгоня́телю.

**Ра́дуйся, Сэ́ргие, ско́рый помо́щниче и пресла́вный  
чудотво́рче.**

## Кондак 2

Ви́дящи вся Росси́я и ины́я страны́ да́нною тебе́,  
Преподо́бне о́тче Сэ́ргие, благода́тию Бо́жиею с  
ве́рою к святы́м тво́им мо́щем приходя́щим и ско́рое  
вспомо́жение, и прýсное пресла́вное чудес́ творе́ние,  
удивля́ются. И мы́ вси, веселя́щися, яко имее́м  
такова́го ми́лостиваго помо́щника, Просла́вльшаго  
тя прославля́юще и тя, бла́гаго раба́ и ве́рнаго слугу́  
Госпо́дня, восхваля́юще, вопие́м Ему́: **Аллилу́иа.**





## Икос 2

Разум, ещё сущу ти во чреве матери, Святыю Троицу прославити Иисус Христос даровавый, и веру крепкую, надежду несумненную, любовь истинную к Немю имети утвердивый, сподоби тя во Имя Святыя Троицы преславный храм и обитель чудную устройте, и во ону множество иноков собрати. Сего ради вернии научишася воспевати тебе тако:

Радуйся, честное Пресвятыя Троицы носило и похваление; радуйся, добре стадо, тобою собранное, во спасение наставляяй.

Радуйся, честный образе агнцем и пастырем; радуйся, правило веры и образе кротости духовных. Радуйся, святыням чистое и непорочное жилище; радуйся, ещё в жизни сподобивыйся видети Пресвятую Богородицу со двема апостолама.

Радуйся, удостоивыйся во время совершения литургии сослужения ангельскаго; радуйся, во святую литургию в благодати Божией весь аки во огни стоящий.

Радуйся, оным Божественным огнем, в потир вшедым, причастивыйся; радуйся, достоин бывый ангельскаго собеседования.

Радуйся, преисполненный всякия благостыни; радуйся, чистоты душевныя и телесныя усердный хранителю.

**Радуйся, Сергие, скорый помощниче и преславный чудотворче.**





### Кондак 3

Силою, данною ти свѣше, бѹдущая яко настоящая созерцаѹ, возвещал еси и великому князю Димѣтрию о побѣде многочисленных прегордых агарян, хотящих Россію огнем и мечем опустошити, прорекл еси, и от своего иноческаго лика двух монахов на противных в помощь дал еси, и молитвою твоєю святою к Бѹгу вѣну вопия, на агаряны побѣду сотворил еси. За еже ты прославляюще, и о таковой же твоей на сопротивных православному воинству помощи просяще, Бѹгу вопиѣм: **Аллилуиа.**

### Икос 3

Имуще помышление родителей твой и людие о трикратном твоѣм во чреве матернем в цѣркви глашении и удивльшеся, разумѣша нечто преславное и чудное быти: и по сих увѣдевше твоѣ радостное рождение, радовахуся и радостная тебѣ приношаху, глаголюще:

Радуйся, отроча добродушевное и благонадѣжное; радуйся, дѣтище, всякия благодати Божия исполненное.

Радуйся, пречудное в младенчестве постничество нам являяй; радуйся, оным многих приводяй во удивление и увеселяяй.

Радуйся, яко с тобою всегда бе благодать Господня; радуйся, от юности твоея всем сердцем и мыслию Бѹга возлюбивый.





Ра́дуйся, крото́сть, смире́ние и бде́ние име́вый;  
ра́дуйся, вся ми́ра сегó краси́вая, я́ко ско́ро  
исчеза́ющая, презре́вый.

Ра́дуйся, вся плотски́я по́хоти Бо́га ра́ди умертви́вый;  
ра́дуйся, многообра́зныя ко́зни лука́ваго си́лою  
Бо́жиею победи́вый.

Ра́дуйся, мно́гая лю́ди от грехо́внаго пу́ти ко Го́споду  
обрати́вый и спаси́ый; ра́дуйся, я́ко тобо́ю сла́достей  
духо́вных исполня́емся.

**Ра́дуйся, Серге́е, ско́рый помо́щниче и пресла́вный  
чудотво́рче.**

### **Кондак 4**

Бу́ри жити́я ми́ра сегó, при́сно вну́тренними и  
вну́шними злострада́нии волну́ющагося, Преподо́бне  
о́тче Серге́е, изба́вився, пришёл еси́ во приста́нище  
немяте́жное небе́сное, на места́ зла́чна и прохла́дна,  
иде́же пото́цы сла́дости неисповеди́мые, пи́ща сла́вы  
Бо́жия нетле́нная, пе́ния и гла́сы пра́зднующих. Та́мо  
почива́еши и весели́шися, со все́ми а́нгельскими  
си́лами поя́ Бо́гу: Аллилу́иа.

### **Икос 4**

Слы́шаша, Преподо́бне о́тче Серге́е, бли́жнии и  
да́льнии ангелоподо́бное твоё жити́е, и благода́ти  
чудес струю́ ви́ну теку́щую, я́ко моли́твою твоёю  
прокаже́ннии очища́ются, слепи́и прозира́ют, хроми́и





хóдят и разноо́бразных недúг с véрою притека́ющи  
здравие улуча́ют, сих избáвльшеся вопи́яху к тебé  
тако́вая:

Ра́дуйся, мирова́рнице, на вся недúги врачевáние  
подава́ющая; ра́дуйся, безмéдно па́че естества́ врачу́  
скоромíлостивый.

Ра́дуйся, мíлости превели́кия и ско́рбным  
сострада́ния сокро́вище; ра́дуйся, всеусéрднаго о  
лю́дех промы́шления́ приятелище.

Ра́дуйся, ду́шу свою́ за челове́ки положи́ти  
гото́вый; ра́дуйся, увесéление и отра́да к тебé  
прибегáющим.

Ра́дуйся, мертвеца́ пресла́вно моли́твою твоёю  
оживíвый; ра́дуйся, оскуде́ние монасты́рское в пи́щи  
испо́лнивый.

Ра́дуйся, на сýсе ме́сте пото́к во́дный тещи́ у Бо́га  
испросíвый; ра́дуйся, я́ко тая́жде вода́, моли́твою  
твоёю исцеля́ющи недúги, чудодéйствует.

Ра́дуйся, чудес пучи́но, Бо́гом излия́нная; ра́дуйся,  
жела́емых благ пришéдшим к тебé подáтелю.

**Ра́дуйся, Сэ́ргие, ско́рый помо́щниче и пресла́вный  
чудотво́рче.**

## Кондак 5

Боготéчная пресвётлая звезда́ яви́лся еси́,  
Преподо́бне óтче Сэ́ргие, не́бо церко́вное украша́яй  
из всех блудя́щих по мо́рю стра́стнаго жити́я сего́





данною тебе от Сólнца Правды Христа́ Иису́са, и́стиннаго Бо́га, благода́тию озаряяй, мрак печáлей и мглу всяких недúг и скорбей прогоняяй, наставляеши всех к тебе с véрою притекающих на путь спасённый, к вéчному Небёсному Отéчеству ведущий, поющих Бо́гу: **Аллилу́иа.**

### **Икос 5**

Видев Преподóбный Сёргий, я́ко в ми́ре сем всяческая суета́ и тлени́ю прича́стна, потща́ся вседúшно Превéчному Бо́гу благоугоди́ти, и вои́стинну не вотще потрудíся: премени́ бо тлénная на нетлénная, наипáче же предстоя́ния сподóбися у стра́шнаго Престо́ла Влады́чня в сла́ве вéчной. Тёмже вопи́ем ему́:

Ра́дуйся, я́ко иде́же Христóс в телеси́, та́можде и ты пребыва́еши; ра́дуйся, та́мо, я́ко в зерка́ле, в Бо́зе вся Ему́ любéзная созерца́еши.

Ра́дуйся, я́ко созерца́я в Нем моля́щихся ти о по́моци, моли́твою твоёю им полéзное ходата́йствуеши; ра́дуйся, ско́рый помо́щниче призыва́ющим тя во бра́нех правосла́вным.

Ра́дуйся, моли́твою твоёю Росси́йстей странé побéды на протíвныя подава́яй; ра́дуйся, скорбя́щим скоропредста́тельный утёшителю.

Ра́дуйся, нёмощей телéсных и душéвных немздоприёмный исцелíтелю; ра́дуйся, мно́гая чудеса́ благода́тию Ду́ха Свята́го содева́яй.



Ра́дуйся, хро́мым хождéние и слéпым прозрéние подава́й; ра́дуйся, грозд ви́нный, пита́ющий нас и веселя́щий.

Ра́дуйся, розго́ Христá лозы́ истинны́я, мног плод в посóбие правосла́вным творя́щая; ра́дуйся, благи́й ра́бе и ве́рный, и до́брый, де́лателью виногра́да Христóва.

**Ра́дуйся, Сэ́ргие, ско́рый помо́щниче и пресла́вный чудотво́рче.**

### **Кондак 6**

Проповéдует держа́ва Росси́йская, богому́дре Сэ́ргие, труды́ тво́я и болéзнь, бде́ние же и сухояде́ние, ра́ди душе́внаго тво́его спасéния подъя́тыя, егóже ра́ди просла́ви тя Госпо́дь сла́вою Своёю Божéственною. Тёмже, я́ко рай насаждéнный, в Це́ркви яви́лся еси́, иму́щи дре́во жи́зни Самаго́ Го́спода, от Него́же вкуси́вши вся ско́ро ги́бнущая в ми́ре сем презира́ют и ра́достно в прекра́сный виногра́д вы́шний входят, иде́же ты, предсто́я Ему́, вопи́еши: **Аллилу́иа.**

### **Икос 6**

Возсия́ Це́ркви и странé на́шей Росси́йстей просвещéние соверше́нных тво́их добродéтелей, Преподо́бне óтче Сэ́ргие, о ни́хже благодаря́ще Отца́ Небéснаго, да́вшего тебе́ толи́кую благодáть вели́чия





Своего, к тебе, яко к тёплому о нас моли́твеннику, радóстная воспе́ваем та́ко:

Ра́дуйся, а́нгельское жити́е нам явля́яй; ра́дуйся, стра́сти грехо́вныя уставля́яй.

Ра́дуйся, о́бразе и́стиннаго смире́ния; ра́дуйся, зерца́ло соверше́ннаго терпе́ния.

Ра́дуйся, наста́вниче вели́кий спасе́нию; ра́дуйся, приводя́й грешных ко исправле́нию.

Ра́дуйся, изве́стный исполнители́ю за́поведей Христо́вых; ра́дуйся, душ немощных исцеле́ние.

Ра́дуйся, ми́лостыню твори́ти науча́яй; ра́дуйся, ризы и бра́шна немощным подава́ти повелева́яй.

Ра́дуйся, пусты́нниче, мирску́ю честь и бога́тство возненави́девый; ра́дуйся, по́стниче, от ю́ности Бо́гу послужи́вый.

**Ра́дуйся, Серге́е, ско́рый помо́щниче и пресла́вный чудотво́рче.**

## Кондак 7

Хотя́ избра́н дом Ду́ху Свято́му себе сотвори́ти, потща́лся еси́ те́сным и приско́рбным путе́м, веду́щим в Жизнь Вечную́, взем на ра́мо свое́ Крест Христо́в, ше́ствовати, е́же благода́тию Бо́жиею от ю́ности твоея́ непоро́чно в творе́ниях за́поведей Господних соверши́в, дости́гл еси́ угото́ваннаго тебе́ в небе́сном всевесе́лом пребыва́нии воздая́ния, и та́мо благодарственнó пое́ши Бо́гу: **Аллилу́иа.**



## Икос 7

Нóвую благодáть показá всех Творец и Влады́ка тебе́, Богому́дре Сэ́ргие: áще бо и у́мерл еси́ на землѣ плóтию, но душéю в вѣ́шнем селéнии всегда́ жив сый, мно́гая и пресла́вная чудеса́ в ми́ре живу́щим лю́дем дéйствиуеши, и тéплым тво́им ходáтайством посóбствуеши, вопи́ющим к тебе́ такова́я:

Ра́дуйся, дéвственниче душéю и тéлом; ра́дуйся, ино́ком наста́вниче предѣ́вный.

Ра́дуйся, душ на́ших ра́дование; ра́дуйся, бѣ́строе ни́щим услѣ́шание.

Ра́дуйся, скорб́ящим прѣ́ятное попечéние; ра́дуйся, чистоты́ усéрдный хранѣ́телю.

Ра́дуйся, ненаде́жным наде́яние; ра́дуйся, все́я Росси́и увеселéние.

Ра́дуйся, дре́во чудото́чное ра́я Иису́сова; ра́дуйся, крѣ́не ра́йскаго прозябéния.

Ра́дуйся, ми́ро Христо́ва благоухáния; ра́дуйся, я́ко тобо́ю приносѣ́тся ра́дование.

**Ра́дуйся, Сэ́ргие, скóрый помо́щниче и пресла́вный чудотво́рче.**

## Кондак 8

Стра́шное и пресла́вное чу́до явля́ется притека́ющим к тебе́, Богому́дре Сэ́ргие: ѡ́бо да́нную тебе́ с вéрою прося́щим Бóжиею благодáтию немéдленно от всѣ́ких многооб́разных телéсных и душéвных скорб́ей исцеля́еши, от бед избавля́еши, от напа́стей охраня́еши,



и всем всяко благополёзное проше́ние исполняеши, и вопи́еши Бо́гу: **Аллилу́иа.**

## Икос 8

Весь еси́, Преподо́бне о́тче Сёргие, в ви́шних, но и ни́жних не оставля́еши: при́сно со Христо́м Царе́м Вёчным ца́рствуеши и нас, грёшных и недосто́йных, пред Ним воспомина́еши, моля́ся о спасёнии на́шем. Те́мже от усёрдия на́шего вопи́ем к тебё си́це:

Ра́дуйся, оста́вльший импе́рие и возлюбивый нищету́ Христо́ву; ра́дуйся, дости́гший к неисто́щиму бога́тству.

Ра́дуйся, Ду́ху Свято́му подклони́выйся со всяким смире́нием; ра́дуйся, во́ине Христо́в непобеди́мый я́вльшийся.

Ра́дуйся, крило́ма богомы́слия се́ти вра́жия сокруши́вый; ра́дуйся, смире́нием возвыша́емый, в вёчныя кро́вы возлетёвый.

Ра́дуйся, просвещённый внутрь благода́тию; ра́дуйся, истреби́вый страсте́й мглу душевре́дную. Ра́дуйся, в по́двизех дневных и но́щных тече́ние соверши́вый; ра́дуйся, в невечёрнем дни Ца́рствия Бо́жия при́сно почива́й.

Ра́дуйся, та́мо снеде́ния пи́щи разу́мныя сподо́бльшийся; ра́дуйся, я́ко то́го блаже́нства от Бо́га вёчно удосто́ивыйся.

**Ра́дуйся, Сёргие, ско́рый помо́щниче и пресла́вный чудотво́рче.**



## Кондак 9

Всякое естество ангельское удивися великому свѣше тебе дарованію, яко на земли невестественное житіе показал еси, и во плоти, аки безплотен, явился еси. Сего ради многих чудес творения от Господа приѣм, чистою и боголюбезною душею твою Того благостию к Небесным причтен еси силам, в Небесех ныне поѣши всеильному Богу: **Аллилуиа.**

## Икос 9

Ветии многовещанныя недоумеют достойно славити тя, достойный всякия славы, славне Преподобне отче Сергие, ибо пачеестественная многая преславная чудодѣйствія, еще жив сушь, показал еси, но и по смерти тая благодатию Божию творити не престаѣши. Мы же, любовию понуждаѣми, дерзаем пѣти тебе сїце:

Радуйся, земный ангеле и небесный человеце; радуйся, во плоти живый духовно, на земли небесно.

Радуйся, в человечестве пребываяй ангельски, в мире премирно; радуйся, душевными своими очима вину Господа созерцавый.

Радуйся, пред лицем Божиим, яко раб пред Господем, ходивый; радуйся, пред Оным, яко сын пред Отцем, яко ученик пред Учителем, шествовавый.

Радуйся, яко воин пред Воеводою готов сый вся повеленная Им творити; радуйся, добрый стада



своего иночествующих наставниче и правителю.

Радуйся, шествовавший от силы в силу, дондеже явися тебе Бог богов в Сионе; радуйся, Единого Господа возлюбивый, и к Немю очеса своя вину имевый.

Радуйся, во вся дни живота своего Его искавший и в Нем намерение полагающий; радуйся, ничесого на Небеси и на земли, разве Христа Иисуса, видети желавый.

**Радуйся, Сέργие, скорый помощниче и преславный чудотворче.**

## Кондак 10

Спасти хотя душу твою, в юности возраста своего отрелся еси воли своея и во знамение отсечения ея постригл еси власы главы своея и был еси монах, покоривый себе воли Божией и начальником, от Него поставленным, ихже веления тако слушал еси, яко Самого Господа, никогда же прекословя, но слову веления исполнением дела отвечаая. Всяческая же приключения благодарно, яко верный раб, от Господа принимал еси, Емуже на Небесех предстоя, ныне вопиеша: **Аллилуиа.**

## Икос 10

Стена еси всем человеком, к заступлению твоему прибегающим, Преподобне Богомудре Сέργие. Темже и нам к тебе приходящим и милостиваго твоего во всяких



нуждах заступления у Царя Небеснаго просящим, буди стена крепкая и ограждение непреоборимое, от всяких нас бед и напастей застеняя и ограждая, за еже мы вопием тебе таковая:

Радуйся, воине Царя Небеснаго, не обязавыйся куплями житейскими, да Ему угоден будеши; радуйся, не восхотевый двема господинома, Богу и миру, работати, но Единому Богу точно.

Радуйся, от юности на тело свое, на мир сей и диавола вооруживыйся; радуйся, постом, поклоны, стоянием на молитве, бдением умертвивый плоть свою.

Радуйся, умертвивый онаю прежде, нежели она жива страсем баше; радуйся, мертву содеявый гортань противу приимания сладей.

Радуйся, мертв сотворивый язык противу глаголения скверных, клеветных и ложных; радуйся, мертвы устроивый ушеса противу слышания душевредных.

Радуйся, мертвы содеявый рuce противу грабления и всяких зол творения; радуйся, мертво сотворивый чрево противу объядения и пьянства.

Радуйся, мертва соделавый трудами чресла своя противу нечистоты; радуйся, мертвы сотворивый нозе противу течения в путь грешников и на совет нечестивых.

**Радуйся, Сeргие, скорый помощниче и преславный чудотворче.**





## Кондак 11

Пѣние благодарственное благодѣтелю Христу́ Иисусу, тя, Преподобне́ о́тче, прославляюще, вси православнии взыва́ют, яко дарова́л ти мно́гих чудес́ силу́ творѣния: слѣпыя́ просвещати́, прокаже́нныя очищати́, больныя́ врачевати́, бесныя́ от дѣмонскаго дручѣния свободѣати́, толико́ сильне, якоже и не у приведѣнным к тебѣ́ бѣвшим бесны́м, ещѣ́ на путѣ́ дѣмони от них отбѣгаху́ и ктому́ не возвраща́хуся, боя́щися в тебѣ́ силы́ Божия́, ю́же въну́ в Небѣ́сах прославля́я, вопи́еши Бо́гу: **Аллилу́иа.**

## Икос 11

Светоза́рное свети́ло в правосла́вной Росси́йстей держа́ве и во всей вселѣ́нной благодати́ю немерца́ющаго Со́лнца, Христа́ Иисуса́, просвеща́ющею возсия́вшее, зрим тя, Богому́дре о́тче: с невещѣ́ственными бо в вѣ́шних предсто́я Престо́лу Тро́ицы Пресвяты́я, ра́дости превели́кия испо́лнен еси́ и Божѣ́ственными луча́ми Трисо́лнечно́го Свѣ́та осия́ваемъ, облиста́еши вѣ́рныя, вопи́ющия к тебѣ́ такова́я:

Ра́дуйся, возше́дый на го́ру превысо́ку добродѣ́телей Божѣ́ственных; ра́дуйся, яко́ от то́я удо́бъ возше́л еси́ на го́ру небѣ́сную.

Ра́дуйся, яко́ от оби́тели земны́я во оби́тель небѣ́сную водворѣ́лся еси́;

ра́дуйся, яко́ восходя́ тамо́ душе́ю, нам мо́щи твоя́ святы́я оста́вил еси́.





Ра́дуйся, я́ко мо́щи тво́я исцелева́ют вся́кия ско́рби и бо́лезни; ра́дуйся, я́ко мо́щей тво́их де́мони трепещу́т.

Ра́дуйся, я́ко тво́я мо́щи кому́ждо в приклю́чшихся печа́лех быва́ют увеселе́ние; ра́дуйся, душе́ю востеки́й в Сио́н Го́рний к Царю́ Небе́сному.

Ра́дуйся, я́ко та́мо предсто́я, о всех нас к Нему́ те́пле ходата́йствуеши; ра́дуйся, я́ко благоутро́бие Его́ о всех чту́щих па́мять твою́ умо́лостивля́еши.

Ра́дуйся, странé на́шей на проти́вных побéду моли́твою тво́ею содева́ющий; ра́дуйся, я́ко всем ве́рным вся́кое проше́ние во их по́льзу исполня́еши.

**Ра́дуйся, Се́ргие, ско́рый помо́щниче и пресла́вный чудотво́рче.**

## Кондак 12

Благода́ть, да́нную ти от Бо́га, све́дуще, тебе́, присна́го на́шего ми́лостиваго отца́, приле́жно про́сим: проле́й ны́не те́плую твою́ моли́тву о нас, грешных, ко Го́споду, я́ко да презре́в вся на́ша согреше́ния, да́рует побéды на враги́, я́ко царю́ Константи́ну на Максэ́нтиа, я́ко Давиду́ на Го́лиафа; держа́ву Росси́йскую да укрепи́т, Це́рковь Свою́ Святу́ю от распрей и раско́лов незы́блему да сохрани́т, оби́лие вся́ких пло́дов земли́ да да́рует и вся правосла́вныя христиа́ны да спасе́т и поми́луеет, чесо́го от Него́ тво́ими моли́твами улу́čiti ожида́юще, вопие́м Ему́: Аллилу́иа.





## Икос 12

Поюще дівнаго во святых Своих Царя Небеснаго, прославльшаго тя, вернаго Своего раба, Преподобнаго отца Сергия, милостивое твоё, скорое нам во всяких нуждах и печалех поможение прославляем, ибо в тебе в Троице прославляемый Бог наш преславным многим чудодействием дивно прославися, о чем удивляющеся вопием к тебе сие:

Радуйся, великославный Российский наш заступниче, отче Сергие; радуйся, совершенный в добродетелех человеце.

Радуйся, дивный подражателю совершенства Отца нашего Небеснаго; радуйся, преблагий и добрый наставниче иноков.

Радуйся, образе пустынножителей и устройтелю общаго жития; радуйся, всех православных скорый помощниче и заступниче.

Радуйся, Царя Небеснаго и Бога известный умиловителю; радуйся, многожды заступлением твоим прошения предваряяй.

Радуйся, покрове, Богом зданный, имже покрываются мнози; радуйся, ленивых подвигнувый твоими христоподражательными нравами.

Радуйся, доброзрачное света евангельскаго всесветлое сияние; радуйся, Трисолнечнаго Святыя Троицы Света вину просвещающее озарение.

**Радуйся, Сергие, скорый помощниче и преславный чудотворче.**





## Кондак 13

О Чудотворче преслáвный и заступниче всем нам во всяких бедáх и скорбех скорый и пречудный, Богомудре óтче Сэргие! Нынешнее наше прими приношэние и Богоприятным твоим ходатайством умоли Господа сил, силу свýше правослáвному нашему во́инству на сопротивныя подáти, и нам всем, Того́ благодáтию очисти́вшимся, от геэнны изба́виться и грядúщая в Небесéх благáя уллучи́ти вопиющим Ему́: **Аллилу́иа.**

*Этот кондак читается трижды.*

## Икос 1

Ангелов Творец, предувéдевый, по самовлáстному чýстаго сэрдца твоего́ изволéнию, всеусэрдствующее Его́ воли исполнэние, ещё во чрэве мáтерни трикратным возглашэнием, показá ты мýру йстиннаго служителя бýти Святыя Трóицы и научи́ всех вопíti тебе́ сýще:

Рáдуйся, прэжде век, я́ко ймаши вёрный раб Христóв бýти, предусмóтренный; рáдуйся, во óноже врэмя во блажэнное и небэсное жилище предустáвленный.

Рáдуйся, от чрэва мáтерня на слýжбу Небэснаго Царя́, я́ко во́ин, хотящий вэрен Ему́ бýти, призванный; рáдуйся, я́ко благодáтию Божíею оправданный.

Рáдуйся, не тóчию Россíи, но и всей вселénней





просла́вленный; ра́дуйся, трикра́тным тво́им во  
чре́ве возглаше́нием роди́телей и всех слы́шащих  
удиви́вый.

Ра́дуйся, по рождéнии своéм по́стное ино́ческое  
житиé показáвый; ра́дуйся, от сосца́ ма́терня  
воздержáние чу́дное яви́вый.

Ра́дуйся, я́ко в сре́ду и пятóк млекá ника́коже  
вкусíвый; ра́дуйся, роди́телей благíх до́брых и  
избра́нный плóд.

Ра́дуйся, ра́дости скорб́ящим и мíлости с véрою у  
тебе́ прося́щим подáтелю; ра́дуйся, печáлей злых во  
вся́ких приключéниях отгонíтелю.

**Ра́дуйся, Сэ́ргие, ско́рый помо́щниче и пресла́вный  
чудотво́рче.**

## Кондак 1

Возбра́нный от Царя́ сил, Го́спода Иису́са, да́нный  
Росси́и воево́до и чудотво́рче предивный, преподо́бне  
о́тче Сэ́ргие! Прославля́юще мы просла́вльшаго тя  
сла́вы Го́спода, благодарственное пéние воспева́ем ти,  
и́бо моли́твами тво́ими от нашéствия иноплеме́нник и  
ско́рбных обстоя́ний нас при́сно избавля́еши, я́ко имéя  
дерзнове́ние ко Го́споду, от вся́ких нас бед свободи́, да  
зовéм ти:

**Ра́дуйся, Сэ́ргие, ско́рый помо́щниче и пресла́вный  
чудотво́рче.**





## Молитва

О свящённая главо, Преподобне и Богоносне отче наш Сѣргие, молитвою твоєю, и вѣрою, и любовію, яже к Бѣгу, и чистотою сѣрдца, ещё на землі во обитель Пресвятѣя Троицы душу твою устроивый, и ангельскаго общенія и Пресвятѣя Богородицы посещения сподобивыйся, и дар чудодѣйственныхъ благодати приѣмый, по отшествіи же твоём от земныхъ наипаче к Бѣгу приближивыйся, и Небесныя Силы приобщивыйся, но и от нас духом любви своея не отступивый и честныя твоя мѣщи, яко сосуд благодати полный и преизливающийся, нам оставивый! Велие имѣя дерзновение ко Всемилостивому Владыце, моли спасти рабы Его, сущей в тебе благодати Его вѣрующия и к тебе с любовію притекающия. Испроси нам от великодаровитаго Бѣга нашего всякий дар, всем и коемуждо благопотребен, вѣры непорочны соблюденіе, градусъ нашихъ утверждение, міра умирение, а от глада и пагубы избавление, от нашествия иноплемѣнныхъ сохранение, скорбящимъ утешение, недугующимъ исцеление, падшимъ возставление, заблуждающимъ на путь истины и спасения возвращение, подвижающимся укрепление, благоделающимъ в делахъ благихъ преуспеяние и благословение, младенцамъ воспитание, юнымъ наставление, невѣдущимъ вразумление, сиротамъ и вдовицамъ заступление, отходящимъ от сего временнаго житія к вѣчному благое уготовление и напутствие, отшедшимъ блаженное упокоение, и вся ны споспеше-



ствующими твоими молитвами сподоби в день Страшнаго Суда шуйя части избавится, десныя же страны общники быти и блаженный оный глас Владыки Христа слышати: приидите, благословеннии Отца Моего, наследуйте уготованное вам Царствие от сложения мира. Аминь.

## Величание

Ублажаем тя,/ преподобне отче Сергие,/ и чтим святую память твою,// наставниче монахов и собеседниче ангелов.